

SIMONIS PISTORII
OPPOLIENSIS SILESII,
Sacrorum Epigrammatum
OCTERNIO TERTIUS.

*Indolis egregia, & spei optima, NICO-
LAO ET SIGISMUNDO, Fratribus;
Generosi & Egregii V. Domini IO-
HANNIS BAPTISTÆ de
Cettis, &c. filius, oblatus.*

Autor ad Lectorem.

Ne mox damnato, nova sit tibi, candide Lector,
Fortè videbuntur, qua tibi pauca damus,
Sed præjudiciis licitis, inquirito Verum;
Nunc etiam, quod te fors juvet, esse potest.
PRÆCOCE JUDICIO RELEGENS QUI
SCRIPTA; NEC ILLA
PERCIPENS DAMNAT; MENTIS ET AR-
TISEGET.



NOBILIBUS ADOLESCENTIBUS
 INDOLE ET MORUM ELEGANTIA
 Suavissimis,
NICOLAO ET SIGISMUNDO
 Cettisiis Fratribus,

Salutem.

Cogitanti mihi Nobilissimi Adolescentes quonam Xenio lo his Cal-
 Ian. Anni ineuntis 1610, meum erga Vos, quo a me complectimi-
 ni, contestarer Amorem; id tandem in animum incidit meum, ut vos
 dono aliquo chartaceo, quo vos magnopere delectari dubium mihi
 non est, afficerem. Conscripsi itaq; hunc 3. Epigrammatum Libellum
 in vestri gratiam; ut eadem opera; & meam erga Parentem vestrum
 ac Mecœnatem meum colendissimum, pro magnis ipsius in me meri-
 tis, declararem gratitudinem; & vobis ad amplectendum hoc Poeti-
 ces studium, quo plurima cum Moralia, tum Doctrinalia, non tan-
 tum in Philosophicis, verum etiam Theologicis, a multis magnæ au-
 toritatis & eruditionis Viris hæcenus sunt comprehensa, quodam-
 modo incitamento essem. Eâ enim jam ætate estis, quâ Vos præter a-
 lias Disciplinas, quibus dediti estis, etiam jucundæ huic Arti assue-
 fieri convenit. Et sacra, ut videtis, horis succisiviis hoc genere Car-
 minis complexus sum; tum ad Mysteria quædam Religionis Christia-
 næ, tum ab Confutandos quorundam Errores pertinentia; ut eò sua-
 vior Vobis eorum esset lectio. Accipite igitur Vos hac vice hunc E-
 pigrammatum meorum Oâernionem Juvenes lepidissimi hilari ani-
 mo; Me redamate; ac illi Viæ, cui vos consecratis insistite. Mihi ma-
 gna Spes est de Vobis; Ampla Parenti Vestro; non vulgaris Om-
 nibus. Valet. Czarkovia, Calend: Januarii. Anno

1610.

Simon Pistorius.

SAC

M

Quiqu

Ter

Deniq

Ter

An no

Non

Non

Tem

Namq

Qua

Vt non

A S

Ergo q

Cum

O

Nil to

Omn

Hinc, q

Qua

SACRORVM EPIGRAMMATVM

Octernio Tertius Simonis Pistorii, O. S.

CHRISTUS cur Vita nostra. Ioh: 14.

M Vnere suscepto qui primus in Orbe docendi,
 Terrigenis Vitam nunciat esse novam;
 Quique resurgendo, post tot Miracula facta,
 Terrigenis Vitam comprobat esse novam;
 Denique cunctarum rerum moderamen habendo,
 Terrigenis Vitam qui dat habere novam;
 An non Iste Deus Nobis, an Vitaque nostra
 Non verè dici, qui mereatur, habet?

Causa tentati CHRISTI. Mat: 4.

Non est hoc præter rationem Christe, quod olim
 Tentatus fueris a Duce Tartareo. .
 Namque Ducem decuit, Servatoremque futurum,
 Quæ Nos concernunt, Omnia dira pati.
 Ut non ignarus, Nobis succurreret ille,
 A Satana vastis eriperetque dolis.
 Ergò quid metuum cunctos jam Dæmonis astus.
 Cum mihi de Stygio Dæmone, Victor adest!

Causa Mortis & præeuntium afflictionum

CHRISTI.

Nil temerè tecum est actum, placidissime Christe,
 Omnia sed summo sic statuente Deo.
 Hinc, quòd non fueras occisus, simplice fato,
 Qualia multorum fata fuere prius;

Sacrorum Epigrammatum

Sed præceſſerunt infinitique dolores,
 Præceſſitque ferè cottidianus agôn;
 Vincula, ſarcaſmi, flagra, limine Mortis in ipſo,
 Poſtremò ipſius triſtis imago Necis.
 Hoc idèd factum eſt; ne Me quoque terreat ullus
 Mortis agôn, animum dejiciantve meum
 Tot mala, tot rerum ſpecies, & monſtra malorum
 Quæ Me ſemper in hac conditione manent,
 Sed quò ſit mihi firma fides, poſt ultima fata,
 Me quoque in Axe Poli, Te præcunte, fore.
 Admiranda Dei Bonitas! Sapientia mira!
 Quæ voluit vires ſic animare meas.
 Admirandus amor Chriſti! Patientia mira!
 Quæ ſpem ſic voluit certificare meam.

MORTIS CHRISTI cauſæ, & fines.

Triste tuum legitur funus, ſed funeris hujus
 Quàm paucis ratio, cauſa que Chriſte, patet!
 Quæritur hinc multis duri placatio Iovæ;
 Quæritur hoc nobis funere Patris amor.
 Sufficiens aliis hominum pro Crimine λύτρον
 Quæritur; at nobis firma, tenaxque fides.
 Qui dedit Humanæ Promiſſa perennia Genti,
 Sic meruiſſe fidem debuit ille ſibi.
 Qui mala Nos per fata fuit ducturus ad Aſtra,
 Hæc mala debuerat fata ſubire prior.
 Quique daturus erat Nobis Promiſſa beata,
 Debuit hæc iſtâ primus adire viâ.
 Funere facta fides Chriſti tibi certa Salutis,
 Nec de Pollicitis jam dubitare potes;

Ergò

Ergò
 Pr
 Quin
 ſiſ
 Non p
 Pr
 Chriſ
 A
 Confe
 Ma
 Deni
 Tu
 Felix
 Hi
 R
 Qu
 Fe
 At n
 No
 Nam
 Et
 Ad d
 Im
 Ant
 Se
 Me c
 Da
 Me t
 Q

Ergò quin horum, Mortalis perditæ, sub Spe,
 Præscripsit Christus quæ faciendæ, facis!
 Quin omnem toleras Sortem patienter, & ipsa
 Si sic loqua ferat, funera dira Necis!
 Non peritat Duce sub Christo, qui fortia miscet
 Prælia cum Mundo, Dæmone, Carne suâ.
 Christus enim Dominus, cui nunc in cuncta Potestas,
 A Patre mei cedis quam tulit ille loco,
 Confortatque suos sacro Spiramine, datque
 Maxima de rigidâ ferre tropæa nece,
 Denique plectentur dùm perpete morte Maligni,
 Tunc blanda ille Patris ducet ad ora Pios.
 Felix, sic pensat causas qui funeris huius,
 Hincque capit vires ad bona facta novas!

Resurrectio CHRISTI, Majestas, & Potentia.

Quem sibi venturi lethi memor ante Iosephus
 Fecit, in hoc clausus marmore nuper eram.
 At nunc immensus non Me capit Orbis, & Æther,
 Non Mare, non rerum Cætera quicquid habent.
 Nam postquam redii superas rediuius in auras,
 Et veni in summi Regna beata Poli,
 Ad dextram residens Patris commune guberno
 Imperium, Patri par in honore meo.
 Ante thronum stat cuncta meum divina Volantùm
 Semper ad obsequium Turba parata meum.
 Me coràm trepidat, quæ Cælis excidit olim
 Damnata ingenti cum Duce tota cohors.
 Me timet Infernus, fortissima Me timet Hostis,
 Quæ metis humanum Mors sine lege Genus.

Sacrorum Epigrammatum

Denique non alium Dominum Me præter & extra
 Post Patrem, agnoscunt Cetera cuncta suum
 Tam valida est nusquam, tam magna Patentia nulla
 Quæ sit Virtuti par, similisque meæ.
 Tam validum est nusquã, nullum tam grande periculum
 Ut nequeam præsens asseruisse meos.
 Tam Bona sunt nusquam valide, perfecta que nulla,
 Quæ nequeam largè contribuisse meis.
 Nunc à mille Ipsos ingentibus assero pœnis,
 Quæ sine fine, Deo Corda odiosa, premunt,
 Postea cum totus desflagrans ignibus Orbis,
 Sentiet interitûs ultima fata sui,
 Cladibus ereptos, & perpete Morte Fideles
 Fortiter, in Regni parte locabo mei.
 In Cælo possint ut semper amore fruisi,
 Et summi facie pascere Corda Patris.
 Felix! ex animo mea qui Præcepta capeffit,
 Confusus Curæ, Numinibusque meis,
 Illum nequicquam Mors enecat, & tenet Orcus,
 Nequicquam in nihilum solvitur atque perit,
 Nam rursus de Morte, meâ Virtute, resurget,
 Atque tropæa truci de Nece Victor aget,
 Causse non conspecti ab omnibus CHRISTI, à
 mortuis excitati. Actu: 10.
 Quod se noluerit cunctis præbere videndum,
 Prodiit è rigida quum rediurus humo,
 Ut voluit, Christus, sua cetera conspicienda
 Facta prius; ratio est, causaque (crede mihi.)

Si locus

Si loc

Si n

si loc

si l

Denic

Si

Qui C

Cre

Q

Sic e

Ch

sed q

Ha

Sana

A

Sic q

Cr

Dicit

Et

Veru

Ha

Hinc

Et

Nam

Hu

Qui

A

Ofter. 3. Simonis Pistorii.

Si locus & Vitio, & Virtuti debuit esse,

Si nostræ Fidei debuit esse locus.

Si locus Injustis pleētendis debuit esse.

Si locus ornandis debuit esse Probis;

Denique perdendis Iudæis debuit esse

Si locus; haut aliter debuit hoc fieri.

Qui Christum his oculis redivivum non videt ipsum;

Credit at ille tamen, jure beatus homo est!

Quomodo dicatur CHRISTUS languores nostros portare, & infirmitates livore suo sanare. Matt: 8. Esa: 53.

Sic est; portavit nostros, portatque reatus

Christus adhuc, qui nunc Cœlica Regna tenet.

Sed quâ portavit languores Corporis olim,

Hac mentis morbos & ratione tulit.

Sanavit verò, non illos transtulit in se,

Aut pro his cui precium sat-faciendo dedit:

Sic quoque dum curat, ne vel Nos feda fatigent

Crimina, vel summi Nos premat ira Dei,

Dicitur humanos Christus sustollere morbos,

Et sanare animi morbida membra mali.

Verum, ita decernente Deo, quia Mortis acerba

Hæc interventu res peragenda fuit,

Hinc livore suo nostros sanasse reatus

Et fertur plagas ille tulisse juges.

Nam cum testetur Mors ipsa gravissima Christi,

Humanam Gentem perditè amare Deum;

Qui non illa queat, pravas convertere mentes,

A scelerum cunctos & revocare luto?

Sacrorum Epigrammatum

Atque eadem Christo fuerit cum janua ad illa,
Quae paria exercet cum Patre Sceptra suo;
Qui non ille queat, pœnas avertere nostras,
Et dare morigeris Regna beata Viris?
Qui secus hunc noxas hominum portare, vel ipsum
Has sanare putat, fallitur ille nimis!

Absurditas Satisfactionis.

Si Christi fecit profusi sanguinis olim
Guttula pro nobis plus satis una Deo.
Hunc tamen adversus cur tamtã se viit irã,
Et justum excessit cur Deus iste modum?
Tot mala passus erat; fudit tantum ille Cruoris,
Quantum mortalis lingua referre nequit.
Aut Deus hic cuncti Iudex justissimus Orbis,
Injustum sese prodidit esse nimis.
Atque idem pariter, qui frustra nil facit umquam,
Prudentem sese prodidit esse minùs.
Aut alia est ratio, Christum cur hisce volebat
Tradere suppliciis, & tot acerba pati.

Si gratis, quomodo propter Satisfactionem.

Omnia propitiùs peccata remittere Gratis
Cum possit Nobis, & velit ille Deus.
A primo Gratis cumque illa remiserit Orbe
Cunctis, quos vidit pœnituisse mali!
In Nos tam largum nunc quando profudit amorem
Qui sibi vult Christi Morte satisfieri?

C
A no
Nos
Tum s
Effu
Tum d
A
Christi
A
Vnd e
Dic
Quod
Sit
Est d
Qu
Et va
Vi
Hincq
De
Ergo
Pe
Non a
A
Cu
Nos
No

Oſter: 3. Simonis Piſtorii.

Quomodo nos Chriſtus Morte ſuâ, ſeu ſanguine a peccatis liberet,

Anoſtris certe Peccatis ſanguine fuſo,
Nos Chriſtus duplici liberat ipſe modo.
Tùm ſectatores Operum nos quando bonorum
Efficit, ex pravis & facit eſſe bonos.
Tùm quando meritâ, pro Crimine, perpete pœnâ
Aſſerit, & Vitâ nos beat ille novâ.
Chriſtus enim fuſo pervénit ad Aſtra cruore,
Ad tanta & rerum, quæ tenet, Imperia.
Vndé fides magnis facta eſt quia maxima rebus,
Diſtaque jam Chriſti, facta que pondus habent;
Quòd Peccatorum pœnâ, culpæque reatu
Sit ſibi Fidentes aſſeruiſſe potis;
Eſt data Terrigenis ingens occaſio cunctis,
Quæis haurire datum eſt, ſcireque tale bonum,
Et valedicendi Peccatis, & benè poſthac
Vivendi ad normam, maxime Chriſte, tuam.
Hincque ex Decreto Iovæ, Virtuteque Chriſti
Demùm libertas iſta ſecunda venit.
Ergò peccati fac ut ſis liber ab actu,
Peccati à pœna liber ut eſſe queas.
Non alios à peccatis nam, ſanguine fuſo,
Aut alio Chriſtus liberat ipſe modo.
Cur CHRIS TUS ſæpè dicatur nos Redemiſſe potius,
quàm liberaſſe a peccatis. Rom: 3.
Eph: 1. Tit: 2. &c,
Nos à Peccatis quùm Chriſtus Liberet ipſis,
Non ullo precio, muneribusque datis;

Sacrorum Epigrammatum

Cur tamen a nostro Redimi, tam sæpè reatu
 Dicamur, ratio certa, gravisque subest.
 Impendit nostri quia causâ tale quid ille,
 Quo nihil hic totus carius Orbis habet,
 Dilectam nimirum Animam, sanctumque cruorem,
 Ingentis possunt quæ precii esse loco.
 Ut magis hoc vocis constaret significatu,
 Nostra illi quamti constitit ista salus.
 Sic olim Gentem antiquam Deus ipse redemit,
 Quamquam tunc ulli munera nulla dedit.
 Tantùm quòd grandes intervenère labores,
 A Duce quum Populum liberat ille suum.
 Hinc Ductor Moses est dictus & ipse Redemptor,
 Quo Deus, ut medio, tale peregit Opus.
 Funere qui fecisse satis Christum putat, hincque
 Esse Redemptorem, desipit ille nimis!
 Placamentum cur CHRISTO tributum, & unde
 ductum. Rom: 3. Heb: 9.

Quod Placamentum, seu propitiatio Christus
 Dicatur, ratio nominis hujus adest;
 Quòd tantùm in Christo sit fas cognoscere, nobis
 Placatus quàm sit, propitiusque Deus.
 Quippè per hunc nos alloquitur Deus ipse, Voluntas
 Tota per hunc nobis est patefacta Dei.
 Hac ratione, typus Christi, placamen operclum
 Antiqui dictum Fæderis antè fuit;
 Quòd se propitium Populis præberet in illo,
 Hinc responsa Deus quando petita daret.

Erra
 Pl
 CH
 Om
 Qu
 Quar
 Ex
 Nimi
 Cur
 Est t
 Can
 Quan
 Pro
 Hac n
 Cur
 Instar
 Per
 Nec m
 Tal
 Est in
 He
 Est in
 Pro
 Atqu
 Imp
 In Chr
 Qui

*Errat! qui Christum Placamen nominat indè,
Placàrit nobis Morte quòd ille Deum.*

CHRISTUS cur pro nobis in cœlo Deum orare
dicatur. Rom: 8. Heb: 7. & 9.

*Omnipotens cùm sit Christus liberrimis & Rex,
Qui nuuc pro libitu cum Patre cuncta regit;
Quare pro nobis interpellare, vel ipsum
Exorare tamen dicitur ille Deum?*

*Nimirum propria est haut ista locutio, cùm sit
Cum Christi pugnans Omnipotente manu.*

*Est tamen in promptu certa, & dignissima scitu
Causa, loqui sacrum cur ita Numen amet:*

*Quandoquidem Christus Rex est, idemque sacerdos,
Præfecit Populo quem Deus ipse suo,*

*Hac nos Mortales voluit ratione docere,
Curam ipsum Populi semper habere sui.*

*Instar Pontificis fungentis munere summi,
Per sua qui populo Vota ferebat opem*

*Nec minùs hac etiam voluit ratione docere,
Tale ipsum à summo Munus habere Deo.*

*Est immensa quidem Christi, & liberrima Virtus,
Hæc illi à Patre est tradita tota tamen.*

*Est immensa quidem Christi; & liberrima Virtus,
Prodesse hac Populo debet at ille Dei.*

*Atque hinc pro nobis interpellare loquendi
Improprio hoc Christus dicitur ipse modo.*

*In Christum verba hæc aliâ ratione quadrare
Qui putat, à Vero discrepat ille nimis!*

Sacrorum Epigrammatum

Blasphemia in CHRISTUM, & in S. sanctum
quid sit: Matt. 12:

In Iesum quid sit Christum blasphemia; quid sit
In sanctum Numen, dicere pauca libet.
Diverso certè pro tempore, candide Lector,
Discreto sunt hæc accipienda modo.
Offensus vili quondam qui schemate Christi,
Indigna hunc contra multa locutus erat,
Blasphemus fuit is; facile at venia obtigit illi,
Si peccasse ipsum postea pœnituit.
Nempè quòd ex animo non provenère maligno
Illa, sed ex cordis simplicitate magis.
Hinc etiam Christus pro talibus in cruce pendens
Ipse suo Patri Vota, precesque tulit.
Verùm Christi Operis qui majestate parari
Iam bene perceptâ; maluit ille tamen
Id potiùs Satanae, quàm sancto adscribere Christi
Spiritu, qui tunc conspiciendus erat.
Hic erat æthereum blasphemans Numen; & hinc est,
Supplicii æterni quòd reus iste fuit.
Nunc quoque Doctrinam in Christi convitia quisquis,
Ipsius vacuus cognitione, jacit,
Ille est blasphemans Christum; verùm ille quod errat,
Difficile haut veniam, si respiscat, habet.
At qui condemnat quod novit, & ipse probavit
Iam collustratus Cognitione Dei,
Ille est blasphemans sacrum spirabile Numen;
Difficile is veniam, si respiscat habet.

Sed

Sed ja
Ho
Hujus
Es
Quod
Ve
Heu n
He
Hic il
De
Infel
Con

Es
Cu
Sic il
No
Veru
Es
Solu
P
Puri
R
Arc
P
Atq
Il
Imm
P

Oster: 3. Simonis Pistorii.

*Sed jam si tamto suscepto fortè reatu,
Hoc scelus ante Deum discupit eluere;
Hujus tam grandis delicti solius ille
Esse diu supplex cogitur ante Deum.
Quod si vel nequeat, sic indurante Iehova,
Vel, ritu hoc, numquam penituisse velit.
Heu miser! expositus quantis erit ille periculis,
Heu! quantas penas hic & ubique dabit.
Hic illum varia & grandis manet ultio perpes
Defunctum satis, & manet interitus.
Infelix qui tale nefas, & morte piandum
Contrahit! at felix qui vacat hoc scelere!*

**Cur CHRISTUS Dei Imago dictus
sit. Col: 1. Heb: 1.**

*Esset ut Astrorum, qui nunc ignobile pus est
Cultor Homo quondam, Progeniesque Dei.
Sic illi visum est, & sic decrevit ab ævo,
Non ex difficili est cui facere omne, Deo.
Verùm naturâ cum Numen tale sit ille,
Est nobis præsens quale videre nefas.
Solutus & idcirco per se Mortalibus ægris
Pandere sit summum non potis illud opus.
Puriter enixum castâ de Virgine Christum
Regna parem nobis misit ad ista Virum;
Arcanum hoc Homines qui primus in Orbe doceret;
Primus & in Cæli Regna præiret iter.
Atque ita fas esset certam sperare salutem
Illi, cui Christo fidere cura foret.
Immo fas Cælos & inaspectabile Numen
Pænè oculis esset tangere, pænè manu.*

Sacrorum Epigrammatum

*Præstitit hæc Christus, nec frustra dicier ergo
Solutus imago Dei, cur mereatur, habet!*

CHRISTUS omnis Creaturæ quæ Pri-
mogenitus. *ibid.*

*Numine fecundâ qui Virgine prodiit istam
In lucem primus, nemoque præterea.*

*Sanctam ad eodè Vitam, qui primus in Orbe peregit,
Ut fuerit summo penè Deo similis.*

*Qui primus, postquam jam desit esse superstes,
A meta rediit, vivus & est iterum.*

*Qui rediivivus Homo Vitæ immortalis honore
Primus, & in Cælis pascitur ore Dei.*

*Denique par Iovæ qui primus & unicus, olim
Fidentes potis est sumere ad Astra homines.*

*Talis, quid mirum est, hæc singula & omnia propter,
Extet Prototocus si tibi præ reliquis.*

IN CHRISTO habitare omnem plenitudinem
Divinitatis corporaliter. *Ibid.*

*Quæ nunc tota patet Mortalibus aurea Cæli,
Christi ante adventum, Regia clausa fuit.*

*Omnes divini tantum mortale sonabant
Doctores, illo tempore quotquot erant.*

*Qui tunc præcipue Cultus sub Lege vigebat
Umbra Voluntatis vix fuit ille Dei.*

*Namque humana ferè Promissa, ac Iussa tonabat,
Ipsaque Relligio bruta, rudisque fuit.*

*At postquam venit Doctor gratissimus Orbi
Christus, & incepit Munus obire suum.*

*Instituit primus divinam Relligionem,
Panditur astratum quâ Penetrabile Dei.*

Cælica

Ac

Tam m

Sed t

Ille ar

Prin

Dls sin

Inco

Magni

Præ

Hoc di

Qua

Vt non

Dice

Indè V

O Ho

Resped

Dictu

Nempè

Conse

Hoc eti

Dicit

Nempè

Et cor

Ille rev

Immo

Ille rev

Finis

OCTER: 3. Simonis Pistorii.

Cælica duntaxat Promissa sonabat ubique,
Ac Præcepta Deo non nisi digna dabat.
Tàm mortale nihil prodibat ab illius ore,
Sed tantùm possit quale decere Deum.
Ille arcana Dei non ullis cognita seclis,
Primus ad hæc nobis & patefecit iter.
Dis similem quàm fas humanam evadere Gentem,
Incolere Astra Homines quàm licitumque Poli.
Magnificam sanè Doctrinâ Religionem!
Præceptis Cultum Pollicitisque sacrum!
Hoc divinarum tam plena scientia rerum est,
Quam nulla in Terris plenior antè fuit.
Vt non immeritò Deitatem habitare reapse
Dicere in hac Christi Religione queas.
Indè Voluntatis perfectæ, si sapias, hauri
O Homo! notitiam, non aliundè, Dei.

Qui CHRISTUS sit primus & ultimus.

Apoc: i. Esa: 41.

Respectu quondam quo primus & ultimus idem
Dicitus erat, Cæli Conditor ille Deus.
Nempè quòd elegit Populum sibi solus, eundem
Conservaturus denique solus erat.
Hoc etiam Christus nunc primus & ultimus idem
Dicitur, immensi Filius ille Dei.
Nempè Novi Populi quia primus & extitit autor,
Et consummator postea solus erit.
Ille revelavit primùm Mortalibus illud
Immortale Bonum, Sidereumque decus.
Ille revelat am nunc promovet usque salutem,
Finiturus eam, cum Patre cuncta tenet.

*Esse Deum summum qui Christum colligit inde,
Errat! differitas inter utrumque sua est.*

Differentia Veteris & Novi Fœderis.

*Fœderis Antiqui, si quis vult scire, Novique
Quæ sit disparitas, parva docere mox est.
Pauca habuit Priscum Promissa, & terrea Fœdus.
Plura Recens, nec non Cœlica, Fœdus habet.
Spes Veniæ certis Vitiis, parvisque dabatur
Prisco, sed cunctis Fœdere facta Novo est.
Constabat pœnæ venia illic tempore certo,
Hic veniam æternam, qui resipiscit, habet.
Cogit ad obsequium Vetus illud Lege, minisque,
Allicit hoc precibus, pollicitisque Novum.
Illius infectis Mediator rebus obiit,
Hujus perfector vivit, & Astra tenet.
Exhibuit sese metuendi Regis ad instar
Antiquæ Genti Iova subindè Deus.
Patris ad exemplum, blando se prodit amore,
Nunc erga Populum, semper ubique novum.
Quantò igitur præstant Promissa perennia tereis,
Rege PATER, Christus Mojsè, precesque minis.
Tantò nempè Recens Pactum est præstantius illo,
Duro illi Populo quod fuit antè datum.
Qui sapit, is brevibus comprehensa examinat aptè,
Atque nova antiquis anteferenda putat!*

